



Anna Wangenheim  
Demokraatit sinnerlugit Inatsisartunut ilaasortaq

### § 37 naapertorlugu apeqqut 314/2019-imut akissut.

16-10-2019  
Sags nr. 2019 - 21875  
Akt nr. 11822440

#### 1. Peqqinnissaqarfiup sannaanik allanngortiterinermi aningaasartuutissat nalilersuinerit Naalakkersuisut ilisimasaqarfiginerpai, tamatumuunalu Naalakkersuisut sammisaq qanoq oqaasissaqarfigivaat?

Postboks 1160  
Tlf: 34 50 00  
Fax: 34 55 05  
3900 Nuuk  
Email:pn@nanoq.gl  
Naalakkersuisut.gl

##### Akissut:

Peqqissutsimut Naalakkersuisoqarfik Peqqissutsimullu Aqutsisoqarfik akulikitsumik ataatsimiittarput, tamatumani Peqqinnissaqarfimmi allanngortiterinissamik suliniut oqaluuserineqartarluni. Ilaatigut suliniutip aningaasaqarnera sammineqartarpoq. Peqqinnissaqarfimmi allanngortiterinissami siunertarineqartoq tassaavoq peqqinnissaqarfimmik ataatsimoornerusumik ataqatigiinnerusumillu ikorfartuinissaq. Tamatuma saniatigut napparsimasut pitsaannerusumik ataqatigiissaarnerusumillu katsorsarneqartarnissaannut sinaakkutissat suliniummi pilersinneqassapput. Aammattaaq suliniut missingersuutit isumannaatsuunissaat taakkuninngalu aqutsineq eqqarsaatigalugit ersarinnerulersitsinermik pilersitsissaaq.

Illumoorpoq suliniummi aningaasaqarnikkut tamakkiisumik nassuiaanertaqanngimmat. Napparsimasut pitsaannerusumik katsorsarneqartarnissaannut pisariillisaanermullu aningaasaqarnikkut naliusussaq naatsorsoruminaassinnaavoq, siunertarineqartorli tassaavoq aningaasaqarnikkut sinaakkutissat iluanni katsorsaanissap neqeroortigineqartup pitsaassusianik annertussusianillu qaffaanissaq.

#### 2. Peqqinnissaqarfiup sannaanik allanngortiterinermi peqqinnissaqarfimmi sulisussarsiornermi sulisoqaannarniarnermilu suut unammilligassaanersut Naalakkersuisut qanoq isummerfigisinnaavaat?

##### Akissut:

Peqqinnissaqarfimmi allanngortiterinissami siunertarineqartoq tassaavoq peqqinnissaqarfimmik ataatsimoornerusumik ataqatigiinnerusumillu ikorfartuinissaq. Tamanna ersarinnerulersitsiniarluni Peqqinnissaqarfiup aqqqissugaaneranut takutitseqataassaaq, tamannalu sulisussarsiornermut sulisunillu attassiinnarniarnermut iluaqutaassangattinneqarpoq.

#### 3. Paaqqutarineqarnermi nakorsarneqarnermilu sulisoqaannarniarsarineq sulinneqarnerullu pitsaanerunissaa anguniarlugu Naalakkersuisut suliniutinik pilersitsiniarsimappat?

**Akissut:**

Peqqinnissaqarfimmi 2019-imi sulisussarsiortarnermut sulisunillu attassiniarnermut periusissamik suliaqartoqarpoq, tassani aqqissuussaankkut suliasaqarfiit aallunneqartut arfinillit sulissutigineqarlutik:

1. Kalaallit Nunaanni najugaqarneq – sinaakutissatut atugassarititaasut sunnerneqarsinnaasut, peqqinnissaqarfimmiinnaangitsorli.
2. Sulisussanik kajumissuseqalersitsineq – oqaluttuat nuannersut takuneqarsinnaalersinnissaat.
3. Sunniuteqarluartumik aningaasartuutaasussallu eqqumaffigalugit sulisussarsiortarneq – taartaasussarsiortarfiit akisuut atornagit.
4. Ineriartortitsineq attassiniarnerlu – sulisunut tamanut suliffik orniginartoq.
5. Ilinniarfiit – meeqqat atuarkiannit universitetimut.
6. Sulisussat nunanit allaneersut – sulisussaqarfiit misissorlugit periarfissallu paasiniallugit.

Suliasaqarfiit aallunneqartut sulissutigineqarnerat aallartinneqareerpoq, ilaatigut sulisussarsiortarnermi Facebook atorneqarnerulerpoq, soorluttaaq Danmarkimi sulisussarsiortarnermut immikkoortortaartoq suliffinnik nittarsaassilluni saqqummersitsinerni peqataanikkut aammalu peqqissutsimik suliaqartut sulereernerup kingorna ataatsimiisit-tarnerisigut sulisussarsiortarnermik suliaqartoq.

Sullisussarsiortarnermi sulisunillu attassiinnarniarnermi periusissiap taassuma siunertaraa aningaasartuutaasussat eqqumaffigalugit peqqissaanermik sulisunik pikkorissunik tunniusimasunillu kajumissaarinikkut attassiniarnikkullu nappaammik suussusersiniarnermik, passussinermik katsorsaarnermillu qaffasissumik pitsaassusilimmik napparsimasunut qanigisaasunullu neqerooruteqarsinnaanissaq. Tamatuma peqatigisaanik piffissami sivikitsumi sulisorineqartartut piffissap suliffigisartagaasa sivitsorneqarnissaa aalajangersimasumillu sulisut amerlisinneqarnissaat anguniagaavoq.

Tassunga atatillugu oqaatigineqarsinnaavoq sulisunik taartaasussarsiortarfinneersunik atuinerup annikillisinnaarlugu suliniutit sunniuteqalereersimmata taamaasilluni juulimit 2018-imut sanilliullugu atuisimanagerup qaffasissusaa assigiimmagu imaluunniit appasinerummat, aammalu nakorsanik sulisussarsiortarnermi taartaasussarsiortarfiit ataatsimut isigalugu atorneqarpallaarsimanatik.

**4. Peqqissutsimut Naalackersuisup, Peqqissutsimut Naalackersuisoqarfiup Peqqinnissaqarfiullu qullersaqarfiata akornanni peqqinnissaqarfiup sannaanik allanngortiterinermi ataqatigiissaarineq pitsaasoq qularnaarniarlugu qanoq iliuuseqartoqarsimava?**

**Akissut:**

Peqqissutsimut suliasaqarfimmi susassaqartut akornanni ingerlaavartumik ataatsimiit-toqartarpoq. Ataatsimiinnerni taakkunanani allanngortiterinissamik suliniut ilaatigut oqaluuserineqarsimavoq.

**5. Sooq Naalackersuisut tassanngaannartumik isumaqalersimappat meeqqat kingutaanik nikingajunnaarsaanerit aningaasaqarnermut inatsisissatut isumaqatigiinniarnermi aningaasartuutissanik amerlinerusoq, uffa aningaa-sartuutit taakku naliginnarmik peqqinnissaqarfiup suliassaanut ilaareera-luurtut?**

**Akissut:**

Kigutininik narlorsaanerit piffissami ukiuni marlunni immikkut ittumik kigutilerisunit siunnersortinit Danmarkimeersunit isumagineqarput, taakku ulluni suliffiusuni qulini ukiumut arfinileriarlutik Nuummiittarsimapput. Taamaalilluni suliarinninneq Nuummi meeqqanut inuusuttuaqqanullu ingerlaavartumik killilimillu taamaallaat neqeroorutaa-voq. Kigutininik narlorsaaneq nuna tamakkerlugu ingerlaavartumik neqeroorutinngortin-neqassappat tamanna 15-20 mio. kr.-it missaannik akeqassangatinneqarpoq, tassa immikkut ittumik kigutilerisut pingasut angalangaatsiartussat kiisalu piginnaasalinnik ikiorteqartussat aalajangersimasumik atorfinitsinneqarnissaat pisariaqassammat. Tamatuma saniatigut immikkut ittumik kigutilerisunik sulisussarsiorniarneq ajorna-kusoorsinnaavoq Danmarkimi pisortat kigutileriffiini immikkut ittumik kigutilerisut aamma amigaatigineqarmata.

**6. Naalackersuisut apeqqutinut tunngasunik akissutinilu tunngaviusuni suliamut soqutiginaatilinnik allanik paasissutissiisinnaanerlutik?**

**Akissut:**

Naalackersuisut akissuteqaammut allanik ilassutissaqanngillat.

Inussiarnersumik inuulluaqqusillunga



Martha Abelsen